

Dispensa da scola e damondas da congedi

Il cussegl da scola Ilanz/Glion ha actualisau las differentas reglementaziuns e directivas en connex cun dispensas e congedis. Sebasond sin la lescha da scola dil cantun Grischun (art. 28) ei suandonta reglementaziun vegnida relaschada da niev ils 23 da zercladur 2022:

1. Absenzas nunprevididas en cass da malsogna ni accident

En cass d'ina assenza digl affon muort malsogna ni accident a cuorta vesta ein ils responsabels per l'educaziun obligai personalmein d'informar la scola naven digl empren di. L'annunzia d'absenza ha da succeder avon l'entschatta da scola tier la persuna d'instrucziun da classa (scoletta e primara) resp. il secretariat (superiura).

2. Attest dil miedi

- En cass d'ina assenza repetida ni da liung cuoz sa la scola pretender in attest dil miedi.
- En cass d'ina assenza direct avon e suentar las vacanzas ei in attest dil miedi da presentar.

3. Absenzas e dispensas prevedidas

Damondas da dispensa argumentadas ein d'inoltrar ad uras sco suonda:

cuoz dalla damonda	proceder
tochen 1 di min. 1 jamna ordavon	damonda a bucca/en scret alla persuna d'instrucziun da classa *
naven da 2 – 14 dis min. 2 jamnas ordavon	damonda en scret alla direcziun da scola *
naven da 15 dis min. 2 meins ordavon	damonda en scret agl agl USS, Uffeci per la scola populara ed il sport

* **Igl ei buc lubiu da muncar en scola direct avon e suentar las vacanzas!** In congedi vegn buc concedius (en cass da malsogna mira punct 2b). En cass d'ina cunterfatga sa vegnir plidau in **castitg ella summa da tochen frs. 5'000.00** (lescha cantunala, art. 96).

4. Fuffernadi

Fuffernadis ein da principi lubi sil scalem superiur. Las damondas ein d'inoltrar silmeins ina jamna ordavon alla persuna d'instrucziun da classa. Ina copia dalla damonda ei da tarmetter alla direcziun da scola.

5. Negins dis da joker

Senza ina lubientscha da congedi astgan las scholaras ed ils scolars buc muncar en scola. Tier la scola Ilanz/Glion dat ei ord quei motiv negins dis da joker.


6. Instanza da recuors

Recuors ein d'inoltrar a scret mintgamai alla istanza surordinada.

Quella reglementaziun entra en vigur naven digl 1. d'uost 2022.

Annalisa Cathomas

Michal Hohl



Co-presidi dil cussegl da scola Ilanz/Glion

Silvio Dietrich



meinascola Ilanz/Glion

Glion, 23 da zercladur 2022